

四庫全書存目叢書編纂委員會編

四庫全書存目叢書

集部
第三〇七冊

齊


魯

書

社

責任編輯：孫言誠 賀 偉

ISBN 7-5333-0615-5



9 787533 306151 >

EB31/03

四庫全書存目叢書·集部三〇七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 53 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三〇七冊目次

集部・總集類

盛明百家詩三百二十四卷(四)

〔明〕俞憲編
浙江圖書館藏明嘉靖至萬曆刻本

.....

盛明百家詩三百二十四卷

(四)

〔明〕俞憲編

浙江圖書館藏明嘉靖至萬曆刻本

盛明百家詩 解學士集

解學士才冠一時積學尤富發爲詩文宜無與敵乃其集多率意遣辭不事磨鍊若信筆游戲然者蓋在國初風會習尚使然也今就其集摘詩純雅者近百篇餘則汗漫雜出似難約畧矣公名縉字大紳世爲吉水宦族年十七以鄉試第一貢于京登成化科三甲進士累官翰林學士大爲

高皇帝文皇帝所重洪武中接遇異常然在當時有狂士之名坐謫復起出爲交藩少叅竟死于獄叙者稱其爲人犯而不校尤善開導人嘗自誦曰處心常在

解學士集

卷全

熙春麗日之間則天下無可怒之人矣咸以爲知及其正學直言論者擬諸古人云隆慶改元秋日錫

山俞憲識

夜窓吟

更深坐久燭光短人靜紅爐火初暖朔風吹得筆簫寒
碎點霜華上銀管攬衣拭目鴈行細梅梢月到松梢未
敲冰化水澆醉腸寫向吟窓敵寒氣鼓鼙凍損聲不動
別院人添翠衾重筆尖欲挽陽和回蝴蝶無情入春夢
朝來閑倚闌干立忽聽林鴉報晴日殷勤細讀中夜詩
一笑雲邊亂山出

段炳文四十有子歌以慶之

仙宮紫府八萬里樓觀重重五雲起身騎獬豸隨九皇
大笑向天天亦喜后羿抱日浴九川驪龍吐珠下秋水
崑崙瑤池玄圃裂黃河蹴天金鼎焚曉入東溟堆早紅
夜疑西極搖霜月鳳飛欲下西河州銀城鐵鎖監貔貅
可憐檣下老羈的一身千里皆驛駒嗟注說在熙河近
麒麟墮地應神駿風前繡樹玉成華露顆靈芝金作暈
亦知神物出每遲鳳凰棲老梧桐枝空青間世伏鉛汞
松苓千載垂長絲段家有孝子念夢叶正荷皇天慈
搥鐘考鼓慰親壽大醉起舞懼相持生兒始知鞠育苦

解學集

卷全

二

壽星歌

玉堂燕寢眠紫雲夢謁蓬萊東海君手招太白攀若木
身騎箕尾跨南辰是時秋分日在丙南極老人坐真境
精神散作白銀光烟霧蒼龍出東井蕭蕭兩鬢明如雪
笑我青年惡華髮手持綠玉當我前度我長生九還訣
朝來旭日開瞳矐按圖忽見白頭翁不知宇宙幾甲子
丹光滿面生潮紅長松圍空結深綠芝草琅玕滿空谷

一泓清沼活靈龜數尺階除伏馴鹿滔滔逝水催時改
碧桃花發春長在請君細和白雲謠小住崆峒八千載

答胡光大

去年雪中寄我辭一讀一回心轉悲結交誰似金蘭契
舉世紛紛桃李姿我觀百歲須臾爾人在乾坤猶醒器
清醪糟粕總成空四海滔滔豈知醉我似浮雲與世乖
醉醒自是難相諧天地悠悠尚應盡百年草草爲形骸
吟詩作賦愁肝腎絕類屠羊爭筆陣勞筋骨竟何爲
一榻清風萬年盡襄陽太守何其愚沉碑水底誇龍魚
至今人笑陵谷改亡吳帝晉終何如我有窮愁何日寬

解學集

卷全

三

題馬

秋露漙漙玉花白金鞭紫駟度香陌奚官穩控青絲韁
天仗從容閑玉策歸來意氣閑且都欲飲靈泉跨沙磧
何當披甲騎爾行一日長鳴空冀北

題所翁龍

所翁畫龍親見龍迅筆所至生長風天飛陸隱變莫測

一一妙造參神工我亦天池見真影彷彿此畫將無同
是時天下霖雨足綠繞紅日青雲中

題錢舜舉折杉桂

憶惜霓裳曾夢遊月中仙子參華軸九天風露滴蟾桂
化作清香天地浮淮南小山如可招空遺金粟結離愁
翠葉離披鳳凰羽寶花瑟縮紛相搖往時相見今重逢
天上人間路豈通明朝手把玉清去坐令四海生香風
鳴琴亭

道邊陳委摧折桐良工斲削回赤龍朱絃三奏烟霧滃
颯颯六合來天風初疑蕭韶度寥廓又疑秋風洒幽壑

解學集

卷全

一四

高亭欲待鍾子期千載誰聞九皋鶴

題文山上已詩後

崖山雲寒海舟覆六載孤臣老燕獄東風杜宇三月三
五陵望斷春蕪綠墨花皇皇五十六寫出江南愁萬斛
當時下筆眼如虎日落天飛鬼中哭揚帆昔走儀真船
手持鰲柱擎南天開闢嶺海血撒回首家園隨飛烟
六宮粉黛黃埃裏曠火無光吹不起全軀肯學褚淵生
嚼舌甘爲呆卿死薊門草碧春妻妾高官不換西薇
哀吟一曲肝腸裂勁氣萬丈蛟龍飛當年恨殺葛嶺
恨不剗心食其肉堂堂忠義行宇宙白日青天照遺

落花寒食風雨時展卷如對龍虎姿再拜酬公金屈厄
有酒不讀蘭亭詩

龍門行樂圖

龍門山高插天起龍門水清深見底大風吼雪翻銀濤
天上火雲燒赤尾東連螺浦西釣臺三十六灣相縈迴
白晝彷彿號春雷怪石如龍雲作堆南陽公子好瀟酒
行樂向此龍門下錦囊繡袂綠瑤琴紫裘烏帽玉驄馬
有時躋險躡崔嵬洞觀波浪胸懷開小孤二山不盈尺
鄱陽一木大如杯興來長嘯山下去自覺精華與神遇
酒酣掘筆賦歸歟颯颯花箋洒風雨信知出處非尋常

解學集

卷全

五

九苞之鳳巢梧崗

天子龍門異岩穴何當携手登

廟廊

題王子通聚禽圖

水禽交交樹禽語白鴈飛鳴蒲洲渚愛殺村邊鷺一舉
點破汀洲半江雨燈前展卷醉又醒誰將妙筆傳丹青
細觀物理真自得吾亦結社來郊垌

東湖覽鴈

十年不到豫章城鎮蛟宮中新水生
觸熱更上聘君亭聘君亭前無亂蛙此事或有非
聘君高風自千載况有湖水明丹霞望中西山青似幕

參差開徹芙蓉花登高覽勝興未已柳風吹天涼似洗
青眼故人殊已稀慷慨更讀南豐碑

筠窓讀易

我家鑑湖山水僻七百年來讀周易化龍江上棲鳳林
雲淡風暄奏金石後來端簡白玉堂鸞坡萬竹聽鸞凰
蒼草叢生紫雲擁龜文落籀占星芒君家亦在歐鄉住
藜燄光輝舊遊處深叢密篠映河圖人在筠窓淡思慮
秋霄露華滴藥珠涼月正照窓中書研朱和露畫奇樞
輾轉造化論鎔銖明年歸鄉定相長與爾細論羲皇前
鬼車童觀卅三讀孔聖晚乃親韋編淡泊誰能味玄酒

解學士集

卷全

木

希聲雅奏難爲傳高攀璚瑤飲玉醴醉倒宇宙空中船
希夷歌詩念舊隱陶令作賦思歸田筠兮筠兮有生理
春雨一夕龍騰天

中秋不見月

吾聞廣寒八萬三千脩月斧暗處生明缺處補不知七
竇何以脩合成孤光洞澈乾坤萬萬古三秋正中夜當
午佳期不擬婦娥悞酒杯狼籍燭無輝天上人間隔風
雨玉女莫乘鸞仙人休伐樹天柱不可登虹橋在何處
帝閨悠悠叫無路吾欲斬蛇蛙磔其兔坐令天宇絕纖
塵世上青霄絮如故黃金爲節玉爲轡縹緲驚車爛無

數水鼎簾外河漢橫水壺影裏笙歌度雲旗盡下飛玄
武青鳥銜書報王母但期歲歲奉宸遊來看霓裳羽衣
舞

池口阻風

避風貴池口維纜臨洲渚白浪如山捲雪花黑雲匝地
飛陰雨此時魚龍爭沉浮江湖石裂無安流馮夷擊鼓
怒鼉吼恍惚可以追冥搜須臾雲散風暫息移船置酒
澆胷臆鮮魚覓得豈問錢縱飲高歌忘岑寂便覺紅光
催入頻推蓬且看池陽山九華蒼翠杯中墮對景不復
論鄉關尊前携手有知己前程嗟嘆徒爲爾青雲有路
待我來一日南風歛千里

解學士集

卷全

木

繁昌阻風

繁昌夾前風阻客逆浪牽船滯行色坐數歸船疾如箭
俄頃飛帆浪中沒我非尋常流宕人等閑不遇銜悲辛
讀書學得萬人敵直將富貴輕埃塵君不見當壚逸才
題駟馬不如安石濟天下古來豪傑爲時出肯逐青牛
度關者丁寧北風且少停會看一舉登王京未把升沉
問聊尹欲共姬周論治平不須對此嘆坎坷世事到頭
俱賸瑣成功拂衣歸去來依舊東山日高臥

怨歌行被

命後作

弦奏銀床素娥之寶瑟酒斟流霞碧海之瓊杯宿君七
寶流蘇之錦帳坐我九成白玉之仙臺臺高帳煖春寒
薄金縷輕身掌中托結成比翼天上期不羨連枝世間
樂歲歲年年樂未涯鴉玄粉白澹相宜卷衣差比秦王
女抱余誰賦宵征詩參差雙鳳裁筠管不謂年華有凋
換愁園未泣章華魚漢宮忍聽長門雁長門蕭條秋影
稀金屏珠綴流螢飛苔生舞席塵蒙鏡空傍閒堦尋履
纂宛宛青陽日將暮惆悵君恩棄中路妾心如月君不
知斜倚雲和雙淚垂

解學士集

卷五

一八

題山水障

溪山有逸趣蒼崖凌紫烟遠峯落天半中有飛來泉蒼
茫樓觀出林杪丘園四顧居人少夕陽往往見漁樵古
樹陰陰聚啼鳥望中峯高雲錦張如此溪山猶故鄉玄
潭觀裏三峯出白鷺洲邊二水長碧梧翠竹連江岸菊
潭秋嶼花爭亂好景偏宜白日遊年華每被青春換寄
語溪山如有情氤氲佳氣常鍾靈山中美酒置千斛待
我歸來尋舊盟

寄浪田鍾鴻飛

人生倏如寄會少恒別離雖是形與影尚有不見時念

爾同鄉里咫尺存浪浮起望空嘆息如隔天一涯
之山九疊屏玉繩搖曳開青冥溪底金沙千萬點注射
日月浮光晶明朝暮懷相見霜著心旌東如練別時
片泮桃李花振落瓊瑤千萬片萬片驚揚拂几筵念爾
勗爾勤簡編明年花開應更盛香風吹逸君下

送劉希夔丁憂還鄉

我有一斗酒青天灑浮雲浮雲散書月光醉天地與我
同氛氲我有一掬淚送君歸灑文江波人生祿仕爲親
養得祿親喪將奈何去年八月秋風清我尚衰麻辭王
京匆匆流電別鄉里蚤夜載筆趨承明今年八月送
君歸忍看衰麻更綠衣寄言具慶高堂者莫遣徒爲風
木悲

解學士集

卷五

九

春來曲

人逢春來喜我逢春來悲春來春去催人老百日光陰
能幾時去年當春髮如漆今歲逢春髻若絲人逢春到
好顏色我見春來頭愈白一片飄飄似雪垂縱有春風
消不得憶我初年十四五每到春來強歌舞讀書一目
數行下醉後傳觴不知數一朝辭家入上國正是鶯花
二三月東風滿路馬啼輕一日走遍長安陌此時紅顏
方少年瀛洲步武如飛仙常臨螭陛奉清暉時拂雲裳

近御筵自從衰病困懷抱一回見春一回老趁朝上馬
要人扶體態龍鍾貌枯槁尋常怕雨又悲風白日看花
如霧中酒腸不慣易成疾詩句懶題那得工昔何勇銳
今如此愈信蹉跎真老矣吁嗟天運本自然寒暑倏忽
相推遷老腴彭祖今安在瑤池弱水皆虛傳眼中豈無
曠達者擊節和我春來篇

巫山天下無

以下二首西川畫景

夏雲岩崑影空翠十二巫雲墜平地化作奇峯天下推
飛入西川作形勢楚襄徵事何足云宋家小子雕蟲文
君不見今古興亡幾番雨世間何事不浮雲

解學士集

卷全

十

瞿塘天下險

驚湍觸石石欲落絕壁與天爭一握江盤峽束轉奔雷
白日蛟龍怒相觸望中砥柱何崔嵬曾見當年征戰來
禹鑿漢江猶在眼金與鐵鎖成寒灰行人記取秋風乘
云是瞿塘灘頭堆

續六歲時長者賦之曰小兒何所愛應聲作詩四首

小兒何所愛愛者芝蘭室更欲附飛龍上天看紅日
人道日在天我道日在心不見雞鳴時冷然鐘磬音
聖人有六經天地有日月日月萬古存六經終不滅
小兒何所夢夜夢筆生花花根在何處月府是吾家

早朝

驄馬五更寒披衣上繡鞍東華天未曉明月滿闌干

題王俊卿畫星

寶笈龍懸杖琪英繡紋縻德星槐樹裏長照萬年枝

驚聲

驚覺遽遶夢頻聞恰恰啼只疑窓紙外却在柳陰西

題棠雀圖

秋實正離離差池未欲飛朝陽鳴鳳起還向上林栖

贈寫真劉士榮

僕也慚瓊瑞丹青賴爾傳 皇風清薊北有待畫凌烟

解學士集

卷全

十

詠新月

玉皇昨夜宴羣仙醉舞霓裳實髻偏失却玉梳無處覓

晚風吹在碧雲邊

胡馬

駿馬雕鞍破沙控弦猶自慕中華望窮萬里無烽火

只見祥烟繞 帝家

題孤鴉圖

栖遯顧影自堪憐肯逐羣飛噪野田海色曠隴朝雨歇

又隨紅日上青天

題蘆鴈圖二

閑隨明月踏蘆花，搖落江南未怨嗟。萬里不辭天路遠，

帛書曾到帝王家。

霜影沉沉起暮寒，秋雲蘆葉護闌干。形骸已在希夷外，

不怕王孫金彈丸。

題周僉憲彥奇鷹

幾度秋風掠四溟，草間狐兔不關情。歸來萬里關身在，

側目猶懷上王京。

題畫

何處烟嵐水竹居，高人策杖賦歸歟。想應抗志浮雲外，

靜洗紅塵讀舊書。

解學士集

卷全

十二

題畫

世上黃金難買閑，白雲只羨在青山。那知天上無塵地，

亦有長松不可攀。

石田茅屋圖

石田茅屋歸來計，長日呼龍種玉芝。高臥熟眠應不忘，

五更風雨道途時。

題美人

八駿瑤池去不回，娥眉蕭颯鏡中哀。至今楚水荒臺上，

化作行雲夢裏來。

雪竹山禽圖

翠竹寒消雪未收，雙梅醒更何求。君王六合皆

靈囿，飲啄飛翔得自由。

梅

紫陌香塵錦綉茵，爭歡競賞不知春。未知搖落水霜後，

能看梅花有幾人。

題虎

老去玄文厭舊斑，行行藜藿滿空山。明朝再入麒麟隊，

坐斷

君王鎮九關。

山水圖

幾多閒士拜金鑾，前代王孫未作官。山水春遊如此好，

解學士集

卷全

十三

貴人只許畫中看。

歸鄉

大風已喜淨邊塵，歸到江南字水濱。買斷青山放麋鹿，

猶聞黃閣畫麒麟。

西行

八千里外河湟客，鳥鼠山頭望故鄉。欲問別來多少恨，

黃河東去與天長。

貶河州作

萬里羈孤抵憶歸，將心日日到庭闈。封書寄與南回鴈，

此去無勞更北飛。

西行途中即事

四年寒食困羈囚，鬼谷先坐無奈愁。
想見故園諸弟在，夕陽揮淚更登樓。

交河節日有感

去年我爲慈親哭，此夜嚴親爲我愁。
萬里悲歡那可測，何人燈下說河州。

除夜

嶢嶢紅燈漾紫氛，不眠羈思擾乾坤。
頻將舊曆看洪武，明日東風屬早春。

已卯元日

解學士集

卷全

十四

鳳曆元正又早春，每瞻紅日思紛紛。
鼎湖龍去嚴親老，看盡青山無片雲。

赴廣西別甥彭雲路

多情爲我謝彭郎，采石江深似渭陽。
相聚六年如夢過，不如昨夜一更長。

桂林干日

去歲端陽捧御筵，金盤角黍下瑤天。
黃封特賜開家宴，回首薰風又一年。

思明州太子泉

馬跑泉頭曙色開，隔溪遙見白雲回。
汲泉搖動天邊

月天上銀河欲下來

龍州

波羅蜜樹滿城闌，銅鼓聲喧夜未闌。
青裙錦帶冶遊人，市橋會郭千戶作。

沙磧茫茫塞草肥

桔槔峯上暮烟飛，大河此望天連海。
蘇武曾將漢節歸，重過南安

庾嶺關頭曾置酒

醉騎驄馬下層巔，山僧不記當年事。
請看雲封卓錫泉，解學士集

卷全

十五

寄友二首

金屋曉寒龍研濕，玉階春暖燕泥融。
如何一夜思鄉夢，只在文山字水東。

汝汝日月，真主淚滿乾坤望。
孝陵身死願爲陵，下草春風長護萬年青。

贈齊世英

十九年中別更逢，逢君又別意重重。
煎茶掃地同明月，相對彈琴到曉鐘。

送邊文進歸閩

當代邊鸞最得名，幾回待詔話西清。
春風作伴歸鄉

郡若見房山爲寄聲

送人往田州

都城二月忽逢君爲道南行路入雲邊境也知民待久
莫言客裏惜離群

別甘霖

甘家兄弟皆絕奇瓊林玉樹珊瑚枝忽然傾蓋得知已
花雨紅橋春暮時

寄端方

采石江頭夜別離酒醒人去倚蓬時天涯何處作重九
惆悵無因共酒卮

嚴學士集

卷全

十六

寄張叔豫二首

繞縣清江月一灣君家別墅在屏山當時故老猶能說
晴日笙歌夾路還

節義廬陵古所誇宋朝冠蓋盛中華張君舊住禾川上
里巷傳呼御帶家

寄黃玄齋

來時蕭峽駐輕舟惆悵初年作遠遊夢裏相思不相見
武功山下月輪秋

寄劉目昇

靈祐祠前想舊遊里中誰念客中愁西風稻熟溪橋晚

零落荷花幾片秋

題扇寄致廣

亂雲飛盡碧空涼剪得瑤臺月一方惆悵廣寒何處是
美人今日隔瀟湘

應制作

紫苑神仙宅紅雲玉帝家殿鞭三下徹宮扇兩行斜載
筆趨青瑣開函進白麻錦袍三百輩天上醉流霞

恭進

太皇太后挽歌詞三首

姪奴與姬國塗山啓夏王萬方仁覆下奕世壹儀光赤
子天空籲玄空地末藏哀歌隨逝水河漢遶天長

嚴學士集

卷全

十七

翊運符坤厚承天協曆謀星華光帝座月彩麗神州仙
馭瞻宮遠祥雲鳳闕收萬方俱失恃揮泪濕清秋

謚冊徵音嗣山陵吉兆符

聖情昭儉德陶瓦送靈

車北地興王運中山淑慶餘仙遊廣寒殿長照

聖

明居

題鳳凰臺

久遊龍虎國每上鳳凰臺一水浮衣帶三山落酒盃東
南形勝在遠近畫圖開有感風雲會從天五馬來

寄光大二首

前日及柴扉行休頗自怡問人別後事得爾寄來詩處

世真如夢夢生能幾時冰霜惟自絮窮達任何如

斯文天所賦吾道晚初成閑若陶元亮狂爲禰正平登

高天已曠對月鏡逾清坐到晨鐘發寂寥三四星

發龍江

仲氏同吾去伯兄還 帝城重來應有日此別不勝

情一一帆檣去使使鷗鷺迎到家無限好桑梓盡經行

采石

采石磯頭過浩歌歌北風英雄爭戰處今古有無中李

白猶青塚桓溫失故封五通遺廟在陳氏拜郊宮

彭澤

解學士集

卷全

十八

青山圖一縣隱隱見人家亂石邊江出孤遊到日斜翠

添官舍柳香泛驛樓花不見陶彭澤淝城起暮鴉

清江晚眺

清江臨望處一一見鄉山玉筍浮雲去金川夕照殘維

舟訪舊隱飛鳥倦初還歸到仁山下漁樵日日閑

武英殿喜雨應制

春殿微微動好風密雲將雨下長空魚龍變化九天開

草木敷榮大地同沫泗夜添三尺水京華日長萬年松

小臣賸有爲霖志一滴天瓢海宇豐

早朝應制

趨曙色八景陽鐘動清華殘兩行銀燭通雙閣

一道朝儀引百官星斗遙臨花外落旌旗只在伏中看

侍臣欲進陽春曲 聖主恩深賦事難

宴 文華殿時雪方霽官樹皆如玉石刻鏤 上

命取瑪瑙盤和以蔗漿且啖且賦

萬年枝上雪花寒摘不傳呼瑪瑙盤微露酒時珠的歷

蔗漿凝處玉闌干鵲班左右題詩急 鶴駕從容帶笑

看聞道征西人取苦飛書昨夜到金鑾

呈諸閣老

黃閣編摩屬老成文章落筆鬼神驚幾回青瑣陪 吳

解學士集

卷全

十九

亦有微言起後生細雨乍過西掖樹薰風遙聽上林鶯

自慚淺薄才無補願竭忠勤答 聖明

吳城

吳城隄上草萋萋樓觀蒼蒼曙色晞一自英雄爭戰後

兩川鷗鷺自忘機青山拍拍風沙滿紅葉蕭蕭浦樹稀

遙憶故鄉何處是望湖亭下有漁磯

遊承天宮

玉筍承天老子宮平原十里萬山中三千歲後桃花老

二十四橋秋水通梅子廟荒秦樹倒何君石在古苔封

同遊感慨知多少雲物淒涼夕霧重

除夕

憶昔叨陪洪武日宵衣五漏在天邊喜從今夕迎新歲
坐到明朝說去年爆竹聲中喧笑語杜陵身後少詩篇
醉酥一飲驚殘臘金殿知誰捧御筵

送訓導吳嘉靖還新淦

三月烟花繞帝畿都門分手各依依青山遠道遙
相送畫舫中流獨自歸名姓已看登桂籍林泉不必問
荷衣欲知此後思君處玉筍高寒隔翠微

挽艾元暉

蓋世文章土一坏榮華往事逐風休雲迷澤國魂何處

解學士集

卷全

二十

月滿江潭水自流奔走市朝猶恨老苦吟詩卷共收
當時麟鳳皆何在三十年來空日頭

蒼梧即事

蒼梧城北繫龍洲水接南天日水井鯉池不草今
火山蛟室夜光浮千家竹屋臨沙萬斛工
酒醒夢回霄漢近珮聲猶在鳳凰樓

縣縣即事

繡水來古鬱江古藤城郭鎮南邦山雲橋度飛江
江月樓空雙曙日鶯花紅錦帳春風烟樹碧油幢
吹簫喚起蛟龍舞金鴨焚香倒玉缸

忠明府

太子泉頭曙色開仙桃花影覆層臺摩天嶺勢龍驤去
交趾人從鳥道來夷族金符猶什舊漢庭銅柱久荒摧
西風笳鼓連雲起十萬山中獵騎回

交趾即事

交趾名藩百雉雄高駢塔在古城東弓刀選上軍容肅
鏡角操船節奏同少女艷粧爭髮鬋人村鼓共鳴銅
可憐新息猶遺廟銅柱風烟杳靄中

贈翰林劉編脩歸娶還鄉

少年歸娶奏金鑾喜得天顏一笑看錦裁雲朝

解學士集

卷全

二十一

英鴈紫簫吹月夜乘鸞靈椿堂上承中饋寶鏡臺前結
合懽從此梅花消息好青綾不似玉堂寒

寄周子宜

秋水神清玉不如相逢便覺與常殊顧慚天上歸來客
要讀人間未見書光霽堂中分太極清華壇上共閒居
薰陶方乾坤大來往一川風月俱昨日不來成浩歎
秋風又擬動郊墟寄言鄉曲多英俊不棄狂踪幸啟予

解學士集終

盛明百家詩 韓中允集

按楊翰撰敬傳曰韓中允名憲字伯修號壽石首人生于元季

國朝以儒士薦教宜都府賢良文學興修號壽石有中英功補河南道御史因直言忤元國子膳夫供事不以人代尋命復御史究問本監官吏後捕重慶太守調繁臨江坐貢舉事貶安慶府判復取爲御史凡三歷臺諫多激上怒至是命力士用鐵鎚擊其地怒平命太醫院調治限三日入朝乃改春坊中允人爭重之上亦有重任意會有疾懇辭居家閉

韓中允集

卷十

上

戶吏部起用文移月至再三計聞日上深痛惜召大學士楊溥曰卿同鄉韓中允死矣即欲大用之天

乃奪之世速千百人中無此人也公忠孝大節備載傳中大較平生出處多歷險阻至危言數犯無所屈撓方之古烈丈夫何讓焉是集僅見其一斑西石司

馬刻之遼陽遂翻刻如左隆慶己巳夏前進士錫山俞憲謹識

過長風沙

長風沙風高沙濶天無涯紅雲畫舫搖雙槳官遊幾見蘆花飛蘆花映晴雪身如飄零不須說四海皆兄弟

桃源圖

閨秦呂政吞六國虎視咸陽威赫赫八坑青燭紅黔首欲愚愚不得長城之役驪山徒迹逃首鼠何地無携家竟入武陵去一區山水佳境如蓬壺就中寒暑無正朔刺種桃花記開落炎風吹散鮑魚腥馬後之牛相繼作家人父子何優游男耕女織無離憂空閒太古葛天氏只隔海浸一水流漁郎忽作花間夢一日千年綠霞洞清樽酒美醉復醒扶老携童走相送扶桑光射明朝陽

韓中允集

卷十

上

湯御史挾彈圖

紫駟馬新鑿蹄青絲絡頭錦障泥千金價尚不易買矯矯立向春風嘶鐵冠使君愛瀟灑酒攬轡騎之踏平野柳烟烘日杏雨晴乳燕交飛音上下湘筠彈弓犀角稍蛾眉一彎閑且調裁雲新製翠衫好宛如丹鳳凌青霄使君烏府聲輝赫政事文章兩奇絕只今身已到蓬瀛弱流誰道三千隔島中鵲鷺殊可結巢惡木蔽且繁雙

晴窗視夜張翼攫食羣雞長子孫知君疾惡心無比
衮金丸不容已睨然引滿一漿之速得生安字尾

小孤山

媽皇補天斷鰲足海島騰波蕩腸谷逢乘震裂夜有聲
失却青蒼一峰玉驟爾飛來彭蠡東勢與匡廬爭長雄
擎天孤柱拱北極絕頂高處摩蒼穹玉皇託付她仙守
鎮海名關誇九有羣瀾統匯不敢狂蛟蜃龍鼉皆俯首
空濛香霧瞻名粧鐘鳴鼓擊聲洋洋崇封美號舉盛典
大書不一幅幃幃我來有獻詩音韻愿借天風一帆順
飄飛非馬亦非車敬向明旌面堯舜

韓中允集

卷全

十一

江亭遠眺調蘇武謾

地湧岷峨天開巫峽江勢西來百折擊楫中流投懷思
濟多少昔時豪傑鶴渚沙明鷗波濤淨小艇鳴榔初歇
羨凭欄極目危亭偏稱襟懷澄澈還記取王粲樓前
呂公磯外一樣水光山色烟霞玄館金碧浮圖盡屬楚
南奇絕紫筠簫待綠醅盃停咫尺良宵明月拚高歌一
闋清詞遍徹馮夷宮闕

郊祀慶成錫宴

南郊嚴大祀龍馭曉初回禮贊慶成畢恩陪御宴開中
引良醞賁蓋進金壘時復宮懸奏音從天上來

過九江

夷險休渝節勤勞莫問家暮船維柳樹春水泛桃花廬
阜依霄漢江州對渚沙多情白司馬文藻誅琵琶

泊江渚

艤棹蘆花渚江天夜向中月明銀色界波靜水晶宮進
止誠關分升沉迥不同豈能終默默長嘯問穹窿

宿盤塘回

盤塘臨古岸偶爾駐脩程風雨三更夜波濤萬古聲蘭
舟顛已甚心地本來平賴有忠靈佑清晨謁廟行

過采石有懷李白及過彭蠡有懷陶令二首

韓中允集

卷全

四

制作隆中古寥寥大雅音文章關有道天地豈無心白
也才何逸時哉陸易沉蛾眉亭外月還照大江濤
擾擾元熙事相荆晉鼎移豫州歸朱日陶令棄官時嘉
邇非千尺嵩風不易追如何吊形跡長使後人疑
懷遠縣

治平今有日因得遠人懷一水并河遠千山翡翠開竹
祠依澗整縣郭半雲羅我正詢民疾苗碩莫浪猜

發梧江驛

早發梧江驛新晴宿雨收暖風寒食後啼鳥綠陰稠到
處倚蘭棹逢人問象州隄防多鼠盜終夜整戈矛